

UNITED STATES OF AMERICA  
DEPARTMENT OF AGRICULTURE  
BUREAU OF PLANT INDUSTRY  
GENERAL ADMINISTRATOR

NOT A DAY WITHOUT A NEW INVENTION





221571 III

Mag. St. Dr.



# NICOLAVS OBORSKI,

DEI & Apostolicæ Sedis Gratiâ,  
EPISCOPVS LAODICENSIS, SVFFRAGANEVS,  
Scholasticus, & Sede vacante Episcopatus Cracouiensis, ac Ducatus Seueriensis,  
GENERALIS ADMINISTRATOR.



*Expectata omnium desideriis gaudia, differre interdum longius. Altitudo Sapientia, & Scientia DEI, arcano suo ineffabili consuevit; ut cum omnia disponat suauiter, etiam zelo pietatis anxias supplicantium moras, tanto maiori solatio rependat. Diu id actum est, cum ardentissimis, non Celeberrima tantum Vniuersitatis Cracouiensis, sed totius quoque Poloniae Votis; quæ pro Eximio Seruo Dei B. IOANNE CANTIO, Vite Sanctitate, & Miraculorum gloriâ clarissimo, Sacris honoribus ornando, multum auideq; sollicita, expectatione tanti beneficij tenebantur. Cum ecce immensa Dei bonitas, manum suam non esse abbreviatam ostendens, commune hæc fidelis Populi sui desiderium, super effluenti nuper latitiâ compensauit. Processu quippe super Vita & Miraculis Beati huius Viri, iam deducto, & à S. Sede Apostolica approbato; inclinavit tandem Diuina bonitas, SS. D. Nostri INNOCENTII Diuina Prouidentia Papa XI. Paternam, & pijsimam mentem; ut ad Regiam, & verè Christiano Principe dignam, Serenissimi & Inuictissimi Regis Nostri IOANNIS III. intercessionem; magna, & zelosissima promotione, Eminentissimi PETRI Vidoni S. R. E. Cardinalis, Protectoris Regni Polonia; sollicitè id agente, Illustrissimo & Excellentissimo MICHAELE DVCE RADIVILLO, ad S. Sedem Apostolicam cum Obedientia, Oratore Extraordinario, Missa & Officij de hoc Beato Viro, Festiq; eius per totum Regnum Poloniae celebrandi, concesserit facultatem. Quæ quidem gratiâ felicitati temporum Nostrorum reservata, cum omnibus fuerit summè expetita; est prinde cur eâ, Ecclesia Dei, cum Regno Polonia, letetur; est cur præcipuè Diocesis Nostra, qua sacro Cinerum eius deposito in Urbe Cracouiensi gaudet, Latitia Spirituali diffuset, cum nouum hoc Sydus in Ecclesia Dei, & Patria Nostra exortum, exhilarata omnium pectora, ad spem Clementie Diuinæ mirificè erigat. Quemadmodum igitur exinde, & Nos ipsi incredibilem animo latitiam concepimus; ita ad hanc communicationem Spiritualem gaudiorum, omnes Christi Fideles, ac præcipuè in Statu Ecclesiastico Diuina Vocatione, per Diocesim Nostram constitutos, in Domino excitamus, paterneq; ab ijs requirimus; ut Deo Præpotenti, à quo omne datum optimum desursum venit, Solennes pro tanto beneficio gratias instituant, Missamq; Votiuam de SS. TRINITATE offerant; ut Mirabilis in Sanctis suis Deus, laudetur in ijs; atq; ut efficaci Beati huius Viri intercessione placatus, Regnum hoc à vindicta indignationis sue liberet, & contra barbaras gentes tueatur.*

Quod ut alicuius fiat, Trassumptum Breuis Apostolici, hîc inseritur.

In Nomine Domini, Amen.

Cunctis ubiq; pateat euidenter, & sit notum; quod anno à Natiuitate D. N. IESV CHRISTI, Millesimo Sexcentesimo Octuagesimo, Indictione tertia, die verò tertia Mensis Octobris, Pontificatus autem Sanctissimi Domini Nostri D. INNOCENTII PP. XI. Anno eius quarto. Ego Notarius infra scriptus vidi, legi, & diligenter inspexi quoddam Breue Apostolicum, sub annulo Piscatoris expeditum, sanum, integrum, & non vitiatum; cuius tenor sequitur videlicet:



## INNOCENTIVS PP. XI. AD PERPETVAM REI MEMORIAM.

Sollicitudo Pastoralis Officij, quo Catholicæ Ecclesiæ per Vniuersum Orbem diffusæ regimini diuina dispositione præsidemus, Nos vrget atq; impellit; vt Beatorum in Cælis cum Christo regnantium cultum, & venerationem in terris promouere studeamus, sicut pia Regum Orthodoxorum Studia postulant, & Nos locorum & temporum qualitatibus maturè perpenſis, ad Omnipotentis DEI gloriam, ad Ecclesiæ decus & præsidium, ac ad Spiritualem fidelium ædificationem, atque consolationem conspiciamus salubriter in Domino expedire. Cum itaque alias videlicet de vigesima prima Martij Millesimi Sexcentissimi Septuagesimi Sexti, Congregatio tunc existentium S. R. E. Cardinalium, Sacris ritibus præpositorij proposito per dilectum Filium Nostrum PETRUM eiusdem S. R. E. Presbyterum Cardinalem Vidonum nuncupatum, ac discussio dubio, An Sententia dudum, à tunc existente Episcopo Laodicensi, Delegato Apostolico lata super cultu immemorabili, qui Beato IOANNI CANTIO Presbytero Sæculari, Sacræ Theologiæ Doctore, & in Vniuersitate Studij Generalis Cracouiensi. Professore, exhibitus fuisse dicebatur; ac super casu, excepto à decretis felicitis Record. VRBANI PP. VIII. prædecessoris Nostri, in Congregatione Sanctissimæ Inquisitionis super non cultu editis, esset confirmanda, censuerit constare de cultu immemorabili, & Sententiam præscriptam esse confirmandam; hancq; Congregationis præscriptæ resolutionē recentis memoriæ CLEMENS PP. X. etiam prædecessor Noster, die vigesima octaua, eiusdē Mensis Martij approbauerit. Nunc verò Charissimi in Christo Filii Nostri, IOANNES Poloniae Rex Illustris, pro singulari sua erga eundem B. IOANNEM CANTIVM deuotione, illius honorem, & venerationem in Reg. Poloniae opportunis rationibus propagari, & ampliari plurimum desideret. Nos ipsi IOANNIS Regis pio desiderio, hâc in re quantum cum Domino possumus, fauorabiliter annuere cupientes, Supplicationibus eius Nomine, Nobis per dilectum Filium, Nobilem Virum Ducem MICHAELEM RADZIWIŁ, eiusdem IOANNIS Regis Oratorem, ad præstandam Nobis; & huic Sanctæ Sedi Apostolicæ debitam obedientiam, ab ipso IOANNE Rege missum, super hoc humiliter porrectis inclinatis; vt in posterum quolibet Anno, die Annuario obitus memorati Beati IOANNIS CANTII, possit de illo recitari Officiū, & celebrari Missa de Communi Confessorum non Pontificum, in Ciuitate Cracouiæ, & in toto Regno Poloniae, sub ritu duplici, iuxta rubricas Breuiarij, & Missalis Romani, ab omnibus vtriusq; Sexus Christi fidelibus, tam Sæcularibus, quàm Regularibus, qui ad horas Canonicas tenentur, auctoritate Apostolica, tenore præsentium Concedimus, & indulgemus. Non obstantibus Constitutionibus, & Ordinationibus Apostolicis, ceterisq; contrarijs quibuscumque. Volumus autem, vt eandem præsentium litterarum transumptis, seu exemplis, & impressis manu alicuius Notarij Publici subscriptis, & Sigillo Personæ in Ecclesiastica dignitate munitis, eadem prorsus fides, tam in Iudicio, quàm extra illud habeatur, quæ ipsis præsentibus haberetur, si forent exhibitæ, vel ostensæ. Datum Romæ apud Sanctam Mariam Maiorem, sub Annulo Piscatoris, die trigesima Septembris, M. DC. LXXX. Pontificatus Nostri Anno Quarto, inferius signatum. I. G. Slutius, Loco Sigilli. Quo quidem Breui viso, lecto, & perlecto, hoc præsens Transumpti instrumentum confeci; vt illi stetur firmiterq; in Iudicio, & extra illud fides eadem habeatur, quæ ipsis præsentibus haberetur, si essent ostensæ. Actum Romæ, Anno, Indictione, die, Mense, & Pontificatu quibus supra. Præsentibus ibidem R. R. D. D. Toffano Malaisse, & Ioanne Lizent Sacerdotibus Leodien. Dioz Testibus ad præmissa omnia habitis. Præsertim Literæ Apostolicæ reuisæ, cum suo Originali concordat Balthasar Paineus Officialis deputatus.

Locus ✠ Sigilli.

S Daarius.

Ita est Innocentius Laurentij Canc: Apostolicæ Notarius.

Locus ✠ Sigilli.

NICOLAVS OBORSKI, DEI, ET APOSTOLICÆ SEDIS GRATIA, EPISCOPVS LAODICENSIS, Suffraganeus, Scholasticus, & Sede vacante Episcopatus Cracouiensis, ac Ducatus Seueriensis, Generalis Administrator.

Vniuersis, & Singulis præinsertum Breuis Apostolici Transumptum, visuris, lecturis, & audituris, Significamus, & ad plenam, ac indubitam notitiam deducimus. Quia Nos viso pariter, ac lecto Authentico Transumpto Breuis Apostolici, in pargamano scripto, alias in forma probanti confecto super celebratione Missæ, ac recitatione Officij de Beato IOANNE CANTIO emanato, sano, illaeso, & omni vitio suspicionis carente, illud in omnibus, & singulis contentis iuxta præinsertam vim, formam, ac tenorem auctoritate Ordinaria admittimus, facultatemq; publicandi huiusmodi Indult, in omnibus Ecclesijs per & intra Diocesim Cracouiensem, nec non Exemplaria imprimendi concessimus. In quorum fidem, &c. Datum Cracouiæ in solita Residentia Nostra, die quarta Mensis Nouembris, Anno 1680.

NICOLAVS OBORSKI,  
Episcopus Laodicen. Suffr. Crac.







1

1

2  
7



